

Luganda - Bawonya Byawandiilubwa - Healing Scriptures

- Okuva 15:26 n'ayogera nti Oba nga oliwulira nnyo eddoboozi lya Mukama
Katonda wo, n'okola obutuukirivu mu maaso ge, n'owulira amateeka ge,
n'okwata by'alagira byonna, sirikuteekako ggwe endwadde zonna ze
nnateeka ku Bamisiri: kubanga nze Mukama akuwonya.**
- Ekyamateeka 7:15 Era Mukama anaakuggyangako obulwadde bwonna; so
taakussengako n'emu ku ndwadde embi ez'e Misiri, z'omanyi; nape
anaazissa,nga ku abo bona abakukyawa.**
- Zabbuli 107:20 Atuma ekigambo kye, n'abawonya, N'abaggya mu kuzikirira
kwabwe.**
- Zabbuli 146:8 Mukama azibula amaaso g'abazibe; Mukama ayimiriza
abakutama; Mukama ayagala abatuukirivu;**
- Isaaya 35:5 Awo amaaso g'omuzibe w'amaaso ne galyoka gazibuka,
n'amatu g'omuggavu w'amatu galigguka.**
- Isaaya 53:5 Naye yafumitibwa olw'okusobya kwaffe, yabetentebwa
olw'obutali butuukirivu bwaffe: okubonerezebwa okw'emirembe gyaffe
kwali ku ye; era emiggo gye gye gituwonya.**
- Isaaya 58:8 Kale omusana gwo ne gulyoka gusala ng'emmambya,
n'okuwona kwo ne kwanguwa okujja: n'obutuukirivu bwo
bulikukulembra; ekitiibwa kya Mukama kye kirikusemba.**
- Yeremiya 30:17 Kubanga ndikukomezaawo obulamu, era ndikuwonya
ebiwundu byo, bw'ayogera Mukama; kubanga bakuyise eyagobebwa, nga
boogera nti Ye Sayuun omuntu yenna gw'atanoonya.**
- Yeremiya 33:6 Laba, ndikireetera obulamu a'okuwoayezebwa, nange
ndibawonya; era ndibabikkulira emirembe n'amazima bingi nnyo nnyini.**
- Malaki 4:2 Naye mmwe abatya erinnya lyange njuba ey'obutuukirivu
eribaviirayo ng'erina okuwonya mu biwaawaatiro byayo, kale mulifuluma
ne muligita ng'ennyana ez'omu kisibo.**
- Matayo 4:23,24 Yesu n'abuna Ggaliraaya yonna, ng'abayigiririza mu
makuñjaaniro gaabwe, era ng'abuulira enjiri ey'obwakabaka, era
ng'awonya endwadde zonna n'obunafu bwonna mu bantu. 24 Ebigambo
bye ne bibuna Obusuuli bwonna: ne bamureetera bona abaaali balwadde,
abaaali bakwatiddwa endwadde ezitali zimu, n'ebonyoobonyo,
n'ab'emizimu; ab'ensimbu, n'abaaali bakoozibye; n'abawonya.**
- Matayo 8:16,17 Obudde bwali buwungedde; ne bamuleetera bangi
abakwatiddwa dayimooni: n'agoba dayimooni n'ekigambo n'awonya**

bonna abaali balwadde: 17 ekigambo kituukirire ekyayogerwa nnabbi Isaaya, ng'agamba nti Ye yennyini yatwala obunafu bwaffe, ne yeetikka endwadde zaffe.

Matayo 9:35 Yesu n'ayitayita mu bibuga byonna, n'embuga zonna, ng'ayigiriza mu makuŋjaaniro gaabwe, ng'abuulira enjiri ey'obwakabaka, ng'awonya endwadde zonna n'obunafu bwonna.

Matayo 10:1 N'ayita abayigirizwa be ekkumi n'ababiri, n'abawa obuyinza ku dayimooni omubi, okumu gobanga, n'okuwonyanga endwadde zonna n'obunafu bwonna. (Makko 3:14,15)

Matayo 10:8 Muwonyenga abalwadde, muzuukizenga abafu, mulongoosenga abagenge, mugobenga dayimooni: mwaweebwa buwa, nammwe muwenga buwa.

Matayo 11:5 abazibye amaaso balaba, n'abalema batambula, n'abagenge balongoosebwa, n'abaggavu b'amatu bawulira, n'abafu bazuukizibwa, n'abanaku babuulirwa enjiri.

Matayo 12:15 Yesu bwe yategeera n'avaayo: abantu bangi ne bagenda naye; n'awonya bona,

Matayo 15:30 Ebibiina bingi ne bijja gy'ali, nga birina abawenyera, n'abazibe b'amaaso, ne bakasiru, n'abalema, n'abalala bangi, ne babassa awali ebigere bye; n'abawonya:

Matayo 17:20 N'abagamba nti Olw'okukkiriza kwammwe okuba okutono: kubanga ddala mbagamba nti Singa mulina okukkiriza okwenkana ng'akaweke ka kaladaali, bwe muligamba olusozi luno nti Vaawo wano genda wali; kale luligenda; so singa tewali kigambo kye mutayinza.

Makko 1:34 N'awonya bangi abaali balwadde endwadde nnyingi, n'agoba dayimooni bangi n'atabaganya kwogera kubanga baamumanya.

Makko 3:10 kubanga yawonya bangi, n'okugwa abalwadde ne bamugwako bamukwateko, bona abaali balina ebibonoobono.

Makko 6:5,6 So teyayinza kukolerayo kya magero kyonna, naye yassa emikono gye ku balwadde batono, n'abawonya. 6 Ne yeewuunya olw'obutakkiriza bwabwe. Ne yeetooloola mu mbuga enjuyi zonna ng'ayigiriza.

Makko 6:13 Ne bagoba dayimooni mungi; ne basiiga amafuta ku balwadde bangi ne babawonya.

Makko 6:55,56 ne baddukana ne beetooloola mu eyo yonna, ne batanula okusitulira ku bitanda abalwadde okubaleeta we baawulira nga w'ali. 56 Ne buli gye yagendanga, mu mbuga, oba mu bibuga, oba mu byalo, bassanga abalwadde mu butale, ne bamwega yirira bakomeko bukomi ku lukugiro Iw'olugoye Iwe: n'abo abaamu komangako ne bawona.

Makko 8:23-25 N'akwata omuzibe w'amaaso ku mukono, n'amufulumya ebweru w'embuga; awo bwe yawanda amalusu ku maaso ge, n'amussaako engalo, n'amubuuza nti Oliko ky'olaba? 24 N'atunula waggulu, n'agamba nti Ndaba abantu, kubanga ndaba bafaanana ng'emiti, nga batambula. 25 Ate n'amussa engalo ku maaso ge n'akanula okulaba, n'awona, n'alaba byonna bulungi.

Makko 9:29 N'abagamba nti Engeri eno teyinzika kuvaako Iwa kigambo wabula olw'okusaba.

Makko 16:17,18 Era obubonero buno bunaagendanga n'abo abakkiriza: banaagobanga emizimu mu linnya lyange; banaayogeranga ennimi empya; 18 banaakwatanga ku misota, bwe banaanywanga ekintu ekitta, tekiibakolenga kabi n'akatono; banassangako emikono abalwadde, aabo banaawonanga.

Lukka 4:18 Omwoyo gwa Mukama guli ku nze, Kubanga yanfukako amafuta okubuulira abaavu ebigambo ebirungi: Antumye okutendera abanyage okuteebwa, N'okuzibula abazibe b'amaaso, Okubata ababetentebwa,

Lukka 4:40 Awo enjuba bwe yali ng'egwa, bona abaalina abalwadde ab'endwadde ezitali zimu ne babamuleetera, buli omu ku abo n'amussaako emikono gye, n'abawonya.

Lukka 5:15 Naye ebigambo bye ne byeyongera bweyongezi okubuna, ebibiina bingi ne bikuŋjaana okuwulira n'okuwonyezebwa endwadde zaabwe.

Lukka 5:17-25 Awo olwatuuka ku lunaku lumu mu ezo, yali ng'ayigiriza; n'Abaafalisaayo n'abayigiriza b'amateeka baali batudde awo, abaali bavudde mu buli kibuga eky'e Ggaliraaya, n'e Buyudaaya n'e Yerusaalemi: namaanyi ga Mukama gaali naye okuwonya. 18 Laba, abantu ne baleetera omuntu ku kitanda eyali akoozimbye: ne basala amagezi okumuyingiza, n'okumuteeka mu maaso ge. 19 Bwe bataalaba wa kumuyingiriza olw'ekibiina, ne balinnya waggulu ku nju, ne bamuyisa mu matoffaali ne bamussiza ku kitanda kye wakati mu maaso ga Yesu. 20 Awo bwe yalaba okukkiriza kwabwe, n'agamba nti Omuntu, ebibi byo bikuggiddwako. 21 Abawandiisi n'Abaafalisaayo ne batanula okuwakana, nga bagamba nti Ani ono ayogera eby'okuwoola? Ani ayinza okuggyako ebibi, wabula Katonda yekka? 22 Naye Yesu bwe yategeera okuwakana kwabwe n'addamu n'abagamba nti Muwakana ki mu mitima gyammwe? 23 Ekyangu kiruswa, okugamba nti Ebibi byo bikuggiddwako; oba okugamba nti Golokoka, otambule? 24 Naye mutegeere nga Omwana w'omuntu alina obuyinza ku nsi okuggyako ebibi (n'agamba oyo eyali akoozimbye), Nkugamba nti Yimuka, ositule ekitanda kyo, oddeyo mu

nnyumba yo. 25 Amangu ago n'ayimuka mu maaso gaabwe, n'asitnla ekyo kye yali agalamiddeko, n'agenda ewuwe, ng'agulumiza Katonda.

Lukka 6:17-19 n'akka nabo, n'ayimirira awatereevu, n'ekibiina kinene eky'abayigirizwa be n'abantu bangi abaava e Buyudaaya yonna w'e Yerusaalemi, n'abaava ku ttale ly'ennyanja ey'e Ttuulo w'e Sidoni, abajja okumuuwulira n'okuwonyezebwa endwadde zaabwe; 18 n'abaali babonyaabonyezebwa dayimooni ne bawonyezebwa. 19 N'ekibiina kyonna ne kisala amagezi okumukomako obukomi: kubanga amaanyi gaavanga mu ye ne gabawonya bona.

Lukka 7:21,22 Awo mu kiseera ekyo n'awonya bangi endwadde n'okubonaabona ne dayimooni, n'abazibe b'amaaso bangi n'abawa okulaba. 22 Yesu n'addamu n'abagamba nti Mugende, mubuulire Yokaana ebyo bye mulabye, ne bye muwulidde; abazibe b'amaaso balaba, abalema batambula, abagenge balongoosebwa, abaggavu b'amatu bawulira, abafu bazuukira, abaavu babuulirwa enjiri.

Lukka 8:2 n'abakazi abaawonyezebwako dayimooni n'endwadde, Malyamu eyayitibwa Magudaleene, eyavaako dayimooni omusanvu,

Lukka 9:2 N'abatuma okubuulira obwakabaka bwa Katonda, n'okuwonya abalwadde.

Lukka 9:11 Naye ebibiina bwe baategeera ne bamugoberera; n'abaaniriza, n'ayogera nabo ebigambo by'obwakabaka bwa Katonda, n'abaali beetaaga okuwonyezebwa n'abawonya.

Lukka 13:12 Awo Yesu bwe yamulaba, n'amuyita n'amugamba nti Omukazi, osumuluddwa obulwadde bwo.

Lukka 13:32 N'abagamba nti Mugende mugambe enkerettanyi eyo nti Laba, ngoba dayimooni mponya abantu leero n'enkyo, ne ku lunaku olw'okusatu ndituukirizibwa.

Yokaana 5:8,14 Yesu n'amugamba nti Golokoka, weetikke ekitanda kyo, otambule. 14 Oluvannyuma Iw'ebyo Yesu n'amulaba mu yeekaalu, n'amugamba nti Laba, oli mulamu: toyoonoonanga nate, ekigambo ekisinga obubi kireme okukubaako.

Yokaana 14:12 Ddala ddala mbagamba nti Akkiriza nze emirimu gye nkola nze, naye aligikola; era alikola egisinga egyo obunene; kubanga nze njenda eri Kitange.

Ebikolwa 3:6 Naye Peetero n'agamba nti Effeeza ne zaabu sibirina; naye kye nnina kye nkuwa: mu linnya lya Yesu Kristo Omunazaaleesi, tambula.

Ebikolwa 5:15,16 n'okuleeta ne baleetanga mu makubo abalwadde ne babateekanga ku mikeeka ne ku bitanda, Peetero bw'anajja ekisiikirize

**kye kituuke ku bamu. 16 Era ebibiina ne bikuñjaananga nga biva mu
bibuga ebiriraanye Yerusaalemi, nga baleeta abalwadde n'abaali
babonyaabonyezebwa dayimooni; ne bawonyezebwanga bona.**

**Ebikolwa 10:38 Yesu Omunazaaleesi Katonda bwe yamufukaako amafuta
n'Omwoyo Umutukuvu n'amaanyi: eyatambulanga ng'akola bulungi,
ng'awonya bona abaajoogebwanga Setaani; kubanga Katonda yali
naye.**

**Ebikolwa 19:11,12 Katonda n'akolanga eby'amagero ebitalabwa buli lunaku
mu mikono gya Pawulo, 12 n'abalwadde ne baleeterwanga ebiremba
n'engoye ez'oku mubiri gwe, endwadde ne zibavangako, dayimooni
n'abavangako.**

**Abarumi 8:26 Era bwe kityo Omwoyo atubeera obunafu bwaffe: kubaaga
tetutnanyi kusaba nga bwe kitugwanira: naye Omwoyo yennyini
atuwolereza n'okusinda okutayogerekeka;**

**1 Abakkolinso 12:9 omulala okukkiriza, ku bw'Omwoyo oyo; n'omutala
ebirabo eby'okuwonyanga, ku bw'Omwoyo omu;**

**1 Abakkolinso 12:28 Era Katonda yassaawo mu kkanisa abalala, okusooka
batume, ab'okubiri bannabbi, ab'okusaru bayigiriza, nate eby'amagero,
nate ebirabo eby'okuwonyanga, abayambi, abafuga, aboogezi b'ennimi.**

**Abafiripi 2:27 kubanga okulwala yalwayali kumpi n'okufa: naye Katonda
yamusaasira; so si ye yekka, naye era nange, ennaku endala zireme
okweyongera ku nnaku ze nnina.**

**Yakobo 5:14 Waliwo mu mmwe omuntu alwadde? ayitenga abakadde
b'ekkanisa; bamusabirenga, nga bamusiigako amafuta mu linnya Iya
Mukama waffe:**

**1 Peetero 2:24 eyeetikka ye yennyini ebibi byaffe mu mubiri gwe ku muti,
ffe nga tumaze okufa ku bibi, tulyoke tubeerenga abalamu eri
obutuukirivu; okukubibwa kw'oyo kwe kwabawonya.**

**3 Yokaana 1:2 Omwagalwa, nsaba obeerenga bulungi mu bigambo byonna
era obeerenga n'obulamu, ng'omwoyo gwo bwe gubeera obulungi.**